

摘藻堂四庫全書薈要

史部

欽定四庫全書薈要

史部

御批歷代通鑑輯覽卷三十六

詳校官助教臣常循



欽定四庫全書營要卷七千四百八十九

御批歷代通鑑輯覽卷三十六

晉



熹宗七年春正月西秦復降于秦

秦使太尉索校鎮隴西招撫西秦乞伏乾歸遣使謝

罪請降秦拜乾歸河南王太子熾磐平昌公

已而西秦復叛

攻隴西索校以

郡降于西秦

秦王興命羣臣舉賢才

秦王興命羣臣搜舉賢才右僕射梁喜曰臣累受詔而未得其人世可謂乏才矣興曰自古帝王之興未嘗取相于昔人待將于將來隨時任才皆能致治卿自識拔不明安得遠誣四海乎羣臣咸悅

二月劉藩等克始興斬徐道覆

三月劉裕始受太尉中書監之命

裕以劉穆之為司馬穆之舉孟昶故吏謝晦

字宣明
安兄據

之曾孫

裕以為參軍晦博瞻多通裕深加賞愛

夏四月盧循寇番禺不克走交州刺史杜慧度

交趾朱戴人

擊斬之

孫處拔番禺

事見前

城守已固盧循收兵至遂圍之處

拒守二十餘日沈田子言于劉藩曰番禺本賊巢穴

恐有內變乃引兵擊之循兵屢敗遂奔交州至龍編

津

後漢書郡國志交趾郡治龍編水經注立州之始城龍蟠編于水南北二津故名

刺史杜

慧度悉散家財以賞軍士與循合戰擲雉尾炬

胡三省注

推尾炬即今火
箭之屬蓋縛燦

竹竿束于箭燦

大信射去中物

即火起耳胡三

省注辭費而義

昧且推尾亦斷

不能如孔雀之

散開也

束草之一頭施鐵鐵草
其尾散開如雉尾然

焚其艦以步兵夾岸射之循

艦燃衆潰自投于水慧度取尸斬首函送建康

秋七月柔然獻馬求昏于燕

柔然可汗斛律遣使獻馬求昏于燕燕羣臣議公主

不宜下降燕王跋曰朕方崇信殊俗奈何棄之乃以

其女妻斛律跋勤于政事勸課農桑省徭役薄賦斂

每遣守宰必親引見問為政之要以觀其能燕人悅

之

壬子八年

西秦王乞伏熾營永康元年北涼元始元年

夏四月以劉毅都督荆

寧秦雍軍事

荊州刺史劉道規以疾求歸詔以劉毅代之

道規在州累年

秋毫無犯及歸府庫惟幕儼然若舊隨身甲士毅性二人遭席于舟中道規刑之于市未幾道規卒

剛愎自謂功與裕埒雖權事推裕而心不服及居方

岳常怏怏不得志裕每柔而順之毅驕縱滋甚及敗

于桑落

事見前

知物情去已彌復憤激裕素不學而毅

頗涉文雅故朝士有清望者多歸之與僕射謝混丹

陽尹郁僧施

起我孫

深相憑結既據上流陰有圖裕之

志求兼督交廣以僧施為南蠻校尉毛修之為南郡

太守裕皆許之

殺復表求至京口解墓裕往會之將軍胡藩言于裕曰公謂劉衡軍終能

裕不遽除殺非真謂殺有克復功不自相圖也蓋是時殺從弟藩方鎮廣陵恐激變則合謀舉事豫生肘腋耳說裕殺諸葛長民及聚司馬休之其害毒可與見矣

為公下乎裕默然久之曰卿謂何如藩曰連百萬之眾攻必取戰必克殺固以此服公至于涉獵傳記一談一詠自許以為雄豪以是搢紳白面之士咸歸之恐終不為公下不如因會取之裕曰吾與教俱有克復之功其過未彰不可自相圖也

六月西秦乞伏公府

國仁之子

弒其君乾歸秋八月世子熾

磐討殺之而自立

乞伏公府弑西秦王乾歸及其子十餘人走保大夏

注見前

熾磐遣其弟智達討之秦人多勸秦王興乘亂

取熾磐興曰伐喪非禮也夏王勃勃欲攻之亦以王
買德言而止智達擊破公府獲而輟之熾磐自立為
河南王遷都枹罕

皇后王氏崩

九月葬僖皇后

冬十月劉裕帥師襲荊州殺都督劉毅

毅至江陵多變易守宰輒割豫江文武兵力萬餘人
以自隨會疾篤郗僧施勸毅請從弟兖州刺史藩以
自副劉裕偽許之藩自廣陵入朝裕以詔書罪狀毅
以藩及謝混共謀不軌賜藩混死遂帥諸軍發建康
王鎮惡請給百舸為前驅晝夜兼行揚聲言劉兖州
謂劉藩時荊州尚未西上十月至豫章口注見去江

知藩死故偽言之

陵城二十里捨船步上

舸留一二人對舸岸上立六七
旂旂下置鼓語所留人計

我將至城便鼓嚴令若後有大
軍狀又分遣人燒江津舸艦

鎮惡徑前襲城未至

五六里毅乃覺之行令閉諸城門未及下關鎮惡已
馳入與城內兵鬪兵散毅帥左右突出夜投佛寺寺
僧拒之乃縊而死裕至江陵殺郗僧施毛修之素自

結于裕特宥之

初謝混與毅款昵混從兄澄常以為憂漸與之疎且謂弟璞曰益壽此性

終當破家至是果驗毅從父鎮之問居京口不應辟召嘗謂毅及藩曰汝輩才器足以得志但恐不久耳我不就爾求財位亦不同爾受罪累每見毅藩導從到門輒詣之毅甚敬畏至是裕奏徵為散騎常侍固辭不受謝澄字景恒安之孫益壽謝混小字

北涼遷于姑臧

先是北涼拔姑臧至是蒙遜徙都焉大赦改元稱河
西王置官僚

十二月遣益州刺史朱齡石

字伯兒
沛郡人

帥師伐蜀

劉裕謀伐蜀以齡石有武幹練吏職以為益州刺史

率將軍臧熹蒯恩

字道恩
蘭陵人

劉鍾

字世之
彭城人

等伐蜀裕與

齡石密謀曰往年劉敬宣出黃虎

地名近涪城今四
川綿州梓潼縣有

黃蘆城蓋黃
虎之訛也

無功而還賊謂我今應從外水往而料

我當出其不意猶從內水來也如此必以重兵守涪

千里襲人機事
不容敵人早為
之備誠書別函
至期開視可謂
有卓識

城以備內道若向黃虎正墮其計今以大眾自外水
取成都疑兵出內水此制敵之奇也裕又慮此聲先
馳賊審虛實別有函書封付齡石署函邊曰至白帝
乃開諸軍雖進而未知處分所由

劉裕自加太傅揚州牧復辭不受

癸丑九年

夏鳳翔元年

春二月劉裕還建康三月殺豫州刺史

諸葛長民

初裕之西征也留長民監留府事而疑其難獨任乃

加劉穆之建武將軍置吏給兵以防之既而長民驕縱貪侈懼裕歸按之聞劉毅被誅謂所親曰往年醢彭越今年殺韓信禍其至矣問穆之曰人言太尉與我不平何以至此穆之曰公沂流遠征以老母稚子委節下若一毫不盡豈容如此長民意乃小安

長民弟黎

民說長民因裕未還國之長民猶豫未發既而歎曰貧賤常思富貴富貴必履危機今日欲為丹陽布衣豈可得邪因遺冀州刺史劉敬宣書曰盤龍專禮自取夷滅異端將盡世路方夷富貴之事相與共之敬宣報曰下官常懼福過災生方思避盈居損富貴之旨非所敢當且使以書呈裕裕曰阿壽故為不負我

也盤龍劉毅小字

穆之憂長民為變問參軍何承

阿壽劉敬宣小字

天

東海鄭人

承天曰公昔年自左里還入石頭甚脫爾

猶言

輕脫

今還宜加重慎穆之曰非君不聞此言至是裕自

江陵東還前刻至日而每淹留不進長民與公卿頻

日候于新亭二月晦裕乃輕舟徑進潛入東府三月

朔長民間之驚趨至門裕伏壯士丁旡等于幔中引

長民卻人密語旡自幔後出拉殺之與尸付廷尉并

殺其三弟

詔申土斷之法併省流寓郡縣

劉裕上表曰大司馬溫以民無定本傷治為深庾戌

土斷

事見前

以一具業于時財阜國豐實由于此今漸

頽弛請申前制于是依界土斷諸流寓郡縣多所併

省

夏蔡統萬城

今陝西榆林府懷遠縣有夏州故城元和志夏州即赫連勃勃所都其城土色白而

固牢

夏王勃勃以叱干

代北複姓

阿利領將作大匠發夷夏十

計甲不入新弓
人入則斬甲匠
是失人山人所
無而全之道矣
釋器固責精利
程材亦有常經
阿利雖殘忍不
應使人無可措
手處蓋傳聞者
過甚其辭耳

萬人築都城于朔方黑水之南

水經注唐延水又東黑水入焉赫連夏于

此築城也

奢足水即無定河在榆林地黑水在

郭爾多斯右翼中旗西南蒙古名庫爾噶爾黑河曰朕

方統一天下君臨萬邦新城宜名統萬

阿利性巧而殘忍蒸土築

城雖入一寸即殺作者而并築之劫劫以為忠委任

之凡造兵器成呈之工人必有死者射甲不入則斬

弓人入則斬甲匠

由是器物皆精利

秋七月朱齡石入成都譙縱走死詔齡石監六郡軍事

齡石等至白帝發函書曰衆軍悉從外水取成都臧

熹從中水

即維江出什邡縣西北合綿湔牛鞞諸水隨地易名而中水為其通稱下流至瀘州

入取廣漢

晉廣漢郡治廣漢故城在今潼川府遂寧縣

老弱乘高艦從內

水向黃虎于是諸軍倍道兼行譙縱果使譙道福以

重兵守涪城備內水齡石至平模

即彭模注見前

去成都二

百里縱遣侯暉夾岸築城以拒之齡石謂劉鍾曰今

賊嚴兵固險攻之未必可拔且欲養銳以伺其隙何

如鍾曰不然前聲言大眾向內水道福不敢捨涪城

今重軍猝至侯暉之徒已破膽矣所以阻兵守險是

其懼不敢戰也因而攻之其勢必克若緩兵相守彼

攻城之法急則
鋒銳其機則
人現虛實不特
堅壁清野可虞
而外投忽至腹
背受敵並受制
于人矣劉種數
語可謂知兵

將知人虛實浼軍忽來并力拒我求戰不獲軍食無
資大事去矣齡石從之七月攻其北城克之斬侯暉
南城亦潰于是捨船步進賊營望風相次奔潰譙縱
棄城出走齡石遂入成都誅縱宗親餘皆安堵使復
其業縱出辭墓其女曰走必不免祇取辱焉死于先
人之墓可也不從去投道福不納乃縊而死詔以齡

石進監梁秦州六郡諸軍事

縱出走時尚書令馬軌
封庫以待晉師晉師既

入齡石徙馬軌于越為軌曰朱侯不送我京師
欲滅口也我必不免乃盥洗而卧引繩而死

甲子十年

魏神瑞元年是歲南涼亡大國二秦魏小國五西涼北涼燕夏西秦凡七偕國

春三月

劉裕廢譙王文思為庶人

荆雍都督司馬休之頗得江漢民心子譙王文思

繼譙

王尚之後

在建康性凶暴好通輕俠劉裕惡之有司奏文

思擅殺國吏詔誅其黨而宥文思休之上疏謝罪請
解所任裕不許而執文思送之令自訓厲欲使殺之
休之但表廢文思以書陳謝裕不說使江州刺史孟
懷玉兼督豫州六郡以備之

夏五月秦尚書令姚弼

興庶子

有罪免

秦廣平公弼有寵于秦王興

弼先為雍州刺史姜紀諂而附之勸弼求入朝

興召以為尚書令弼遂結興左右謀傾東宮

僕射梁喜等言于興曰父子

之際人所難言然君臣之義不薄于父子故臣等不得默然廣平公弼潛有奪嫡之志道路皆言陛下將有廢立之計信有之乎興曰豈有此耶喜曰苟無之則陛下愛弼適所以禍之願去其左右損其威權非特安弼乃所以安宗社也興不應會興有疾弼潛聚

衆欲作亂將軍劉羌泣以告興梁喜等復請誅弼興

不得已乃免弼尚書令還第

久之興有疾弼謀作亂聚兵于第興聞之怒收

弼黨唐盛孫元誅之將殺弼

太子泓流涕固請乃赦之

西秦襲滅南涼以倂檀歸殺之

南涼自禿髮烏孤至倂檀亡凡三主合十八年

唾契

救訖反

汗乙弗

通典乙弗敵在北谷渾北其西有契輪一部

等部叛南

涼南涼王倂檀欲討之孟愷諫曰今年饑饉百姓不

安不如與熾磐結盟通糴慰撫雜部足食繕兵俟時

而動倂檀不從以太子虎臺守樂都自帥騎七千襲

乙弗大破之西秦王熾磐聞之帥步騎二萬襲樂都
一夕城潰熾磐入城徙虎臺及其文武百姓萬餘戶
于枹罕俾檀將士聞亂皆逃散俾檀曰四海之廣無
所容身吾老矣寧見妻子而死遂歸于熾磐熾磐待
以上賓之禮已而酖殺之并殺虎臺熾磐復稱秦王

得檀子保周賀俱奔河西久之奔魏魏主嗣
愛賀之才謂曰卿之先與朕同源賜姓源氏

秋八月魏遣于什門

名簡代人
以字行

如燕

魏主嗣遣謁者于什門使于燕至和龍不肯入見曰

大魏皇帝有詔須馮王出受然後敢入燕王跋使人
牽逼令入什門不拜跋使人按其項什門曰馮王若
拜受詔則吾自以賓主禮見何苦見逼邪跋怒幽執
什門欲降之什門終不屈久之衣冠弊壞畧盡蟣蟲
流溢跋遺之衣冠什門不受

九月丁巳朔日食

冬十一月魏遣使者巡行諸州

校閱守宰資財非家所齎者悉簿為贓

乙卯十一年春正月劉裕帥師擊荊州三月都督司馬休之拒戰衆潰休之奔秦

劉裕收司馬休之次子文寶兄子文祖賜死自領荊州刺史將兵擊之以將軍劉道憐

裕中弟

監留府事劉

穆之兼右僕射事皆決焉雍州刺史魯宗之自疑不

為裕所容與其子竟陵太守軌

一名象齒

起兵助休之休

之上表罪狀裕勒兵拒之

裕密書招休之錄事韓延之延之復書曰辱疏知以

譙王前事親帥戎馬遠履西畿長增歡息司馬平西體國忠貞款懷待物以公有匡復之勲京國蒙賴推

裕知韓延之忠于所事欲事已者皆收之獨不思已亦晉臣乎

總委誠每事詢仰譙王見劾自表遜位又奏廢之所
不盡者命耳而公以此遽興兵甲所謂欲加之罪其
無辭乎劉裕足下海內之人誰不見足下之心而欲
欺誑國士自謂處懷期物自有由來夫劉藩死于閹
闕諸葛亮于左右甘言詭說方伯襲之以輕兵今又伐
人之君昭人以利真可謂處懷期物自有由來乎吾
誠鄙劣嘗聞道于君子以平西之至德寧可無授命
之臣乎假令天長喪亂九流渾濁當與臧洪遊于地
下耳裕視書歎息以示將佐曰事人當如此矣延之
以裕父名翹字顯宗乃更其字曰顯宗名其子曰翹
以示不臣劉氏

韓

裕遂使參軍檀道濟朱超石

石齡

延之南陽赭陽人

弟之將步騎出襄陽江夏太守劉虔之

彭城呂人
世居京口

聚糧

以待魯軌襲擊殺之裕又使婿徐達之

東海人

統荆恩

沈淵子

林子之兄

出江夏口與軌戰敗皆死裕怒甚帥諸

將濟江休之兵臨峭岸裕軍士無能登者裕自披甲

欲登諸將諫不從怒愈甚主簿謝晦前抱持裕裕抽

劍指晦曰我斬卿晦曰天下可無晦不可無公將軍

胡藩以刀頭穿岸旁

猶言少

容足指騰之而上墮者稍

衆直前力戰休之兵稍却裕兵乘之休之兵遂大潰

裕克江陵休之宗之皆走軌留石城

今安陸府城注見前

裕尋

遣兵攻破石城休之與宗之軌等俱奔秦

宗之素得士民心

為之衛送出境未幾卒休之未敗時宗室司馬道賜
為劉敬宣參軍殺敬宣以應休之為敬宣府吏所殺
夏五月劉裕劍履上殿入朝不趨贊拜不名

北涼遣使上表內附

益州刺史朱齡石遣使詣北涼喻以朝廷威德北涼
王蒙遜遣使詣齡石且上表言伏聞車騎將軍裕欲
清中原願為右翼驅除戎虜

秋七月辛卯晦日食

魏荐饑

魏比歲霜旱雲代民多饑死太史令王亮言于魏主

嗣曰按議書魏當都鄴可得富樂嗣以問羣臣博士

祭酒崔浩特進周澹

京兆郭人

以為不可

曰遷都于鄴可救今年之饑非

長久計也山東人以國家居廣莫之地人畜無涯號曰牛毛之衆今留兵守舊都分家南徙不能實諸州之地情見事露恐四方皆有輕侮之心且百姓不便水土疫死必多而舊都兵少屈丐柔然將有窺窬之心朝廷隔恒代千里之險難以赴救此則聲實俱損也今居北方來春草生漣酪將出蕪以萊果得及秋熟則事濟矣嗣曰今倉庫已竭若來秋又饑若之何對曰宜簡饑貧之戶使就食山東若來秋復饑當更圖之但方今不可遷都耳屈丐即赫連嗣從之嗣

勃勃魏明元帝名勃勃為屈丐言卑下也

又躬耕耨田勸課農桑明年大熟民遂富安初浩為
嗣講易洪範嗣因問天文術數浩占決多驗由是有
寵凡軍國密謀皆預之

熒惑不見八十餘日復出東井秦大旱

魏太史奏熒惑在匏瓜

星名在天津南

中忽亡不知所在

法當入危亡之國先為童謡訛言然後行其禍罰魏
主嗣召名儒數人與太史議熒惑所指崔浩曰春秋
傳神降于莘以其至之日推知其物

國語周惠王十五年有神降于

緯星伏逆遠速
推步原即可得
崔浩繫三氏神
降之辭傳言
占驗實好奇之
過適足為有識
者所鄙耳

華內史過曰其丹朱乎神之
見也不過其物浩據此為言
今熒惑之亡在庚午辛

未二日之間庚午在秦辛為西夷熒惑其入秦乎後

八十餘日果出東井留守鉤已

謂環繞而行如鉤又成已字也

久之

乃去秦大旱昆明池竭童謡訛言國人不安問一歲

而亡

丙十二年

秦主姚泓永和元年魏泰常元年

春正月劉裕自加都督二

十二州軍事

二月秦姚弼姚悞

興庶子

作亂伏誅秦王興卒太子泓立

秦王興如華陰使太子泓監國興疾篤還長安弼黨
侍郎尹沖謀作亂不果既入宮疾轉篤南陽公愔即
與尹沖帥兵攻端門興力疾臨前殿賜弼死禁兵見
興喜躍爭進擊賊愔等大敗興乃引東平公紹興之弟
及姚讚梁喜等人受遺詔明日卒泓祕不發喪捕
愔等誅之乃即位稱皇帝

三月劉裕自加中外大都督戒嚴伐秦詔遣琅邪王德
文修敬山陵

秋八月劉裕督諸軍發建康

寧州獻琥珀枕于劉裕裕以琥珀治金瘡命碎之以

賜北征將士以世子義符為中軍將軍監留府事劉

穆之領軍司入居東府總攝內外司馬徐羨之

字宗文東

海郛人

副之遂發建康遣將軍王鎮惡檀道濟將步軍

自淮淝向許洛朱超石胡藩趨陽城沈田子傳弘之

字仲度北地泥陽人

趨武關沈林子

田子之弟

劉遵考

裕族弟

將水軍

出石門自汴入河以王仲德督前鋒開鉅野入河

水經

注濟水故瀆又北右合洪水洪水上承鉅野桓溫北伐掘渠通濟劉武帝西入長安又廣其功荷濟水故瀆在今山東曹州府荷澤諸縣界鉅野注見前

穆之謂鎮惡曰公今委卿以伐秦之任卿其勉之鎮惡曰吾不克關中誓不復濟

江穆之內總朝政外供軍旅決斷如流事無壅滯求新舊稟盈階滿室穆之日覽耳聽手答口酌不相參涉悉皆瞻舉又喜賓客談笑無倦性奢豪食必方丈未嘗獨餐嘗白裕曰穆之家本貧賤瞻生多闕自叨忝以來朝夕所須微為過裕至彭城王鎮惡擅道豐然此外一毫不以負公

濟入秦境所向皆捷秦諸屯守望風欵附道濟遂至

許昌沈林子自汴入河克倉垣王仲德入魏滑臺

仲德

水軍入河將逼滑臺魏兗州刺史尉建棄城北渡仲德遂入城魏主嗣聞之遣叔孫建等引兵濟河斬尉建于城下呼晉軍問以侵寇之狀仲德使人對曰劉太尉使王征虜自河入洛掃清山陵借空城以息兵行當西引無損于好也嗣又使建問裕裕謝之曰晉欲伐秦故假道于魏非敢為不利也

冬十月將軍檀道濟克洛陽

秦陽城榮陽成臯虎牢相繼來降檀道濟等長驅而進秦陳留公洸鎮洛陽遣將軍趙元守柏谷

注見前元

戰敗被十餘創其司馬蹇鑒冒刃抱元而泣元曰吾創已重君宜速去鑒曰將軍不濟鑒去安之與之皆

死道濟遂進逼洛陽洗出降道濟獲秦人四千餘議者欲盡阮之道濟曰弔民伐罪正在今日皆釋而遣之于是夷夏感悅歸者日衆

詔遣司空高密王恢之

彭城王絃之子俊嗣高密孝王畧恢之其孫也

修謁五

陵

十二月劉裕自加相國揚州牧封宋公備九錫復辭不受

裕遣長史王弘

字休元珣之子

還建康諷朝廷求九錫時劉

穆之與裕比肩
為晉臣何至委
心歸命甚以九
錫推奉不自已
出憂懼而死所
謂小人徒自苦
爾

穆之掌留任而旨從北來穆之由是愧懼發病詔以
裕為相國總百揆封十郡為宋公備九錫之禮裕辭
不受

西秦遣使內附

西秦王熾磐遣使詣太尉裕求擊秦自效裕以為平
西將軍河南公

丁巳十三年

西涼公李歆嘉興元年是歲秦亡大國一
魏小國五西涼北涼燕夏西秦凡六僭國春

正月甲戌朔日食

秦朝會前殿君臣相泣

劉裕引水軍發彭城

二月西涼公李暠卒世子歆

字士業

立

暠寢疾遺命長史宋繇曰吾死之後世子猶卿子也
善訓導之及卒官屬奉世子歆為涼公以繇錄尚書
事

三月將軍王鎮惡攻潼關與秦太宰姚紹戰大破之
王鎮惡進軍潼關擅道濟沈林子自陝北渡河攻蒲

坂不克秦王泓進魯公紹

東平改封

太宰督將軍姚鸞等

步騎五萬守潼關遣別將姚驢救蒲坂林子謂道濟曰蒲坂城堅兵多不可猝拔不如還與鎮惡并力以爭潼關若得之則蒲坂不攻自潰矣道濟從之三月至潼關紹引兵出戰道濟等奮擊大破之紹遣姚鸞絕晉糧道林子夜襲殺鸞紹又遣東平公讚屯河上以斷水道林子又擊走之

劉裕遣使假道于魏魏遣兵屯河北裕遂引兵入河

劉裕將水軍自淮泗入清河

自淮入泗自泗入清將清即濟水也注見前

將

沂河西上先遣使假道于魏秦主泓亦遣使求救于

魏魏主嗣使羣臣議之皆曰秦婚姻之國不可不救

宜發兵斷河上流令勿得西崔浩曰裕圖秦久矣今

乘其危而伐之其志必取若遏其上流裕必上岸北

侵是我代秦受敵也不若聽裕西上然後屯兵以塞

其東使裕克捷必德我之假道不捷吾不失救秦之

名此策之得者也且南北異俗借使國家棄恒山以

大德新術蓋史
家不認之詞與
引竿為乃注并
作矢同一無指
失實

南裕必不能以吳越之兵守之安能為吾患議者猶
曰裕西入關則恐吾斷其後北上則姚氏必不能出
關助我此必聲西而實北也嗣乃遣長孫嵩阿薄干
等將兵十萬屯河北岸裕引軍入河魏人隨裕軍西
行裕遣兵擊之于河上大破之

時晉船有漂渡北岸者輒為魏人所殺掠

裕遣軍擊之輒走退則復來裕乃遣丁時帥仗士七
百人車百乘渡北岸去水百餘步為却月陣兩端抱
河車置七仗士事畢使豎一白氍裕先命朱超石戒
嚴氍舉起石帥二千人馳赴之魏人以三萬騎來薄
超石斷稍千餘皆長三四尺以大鎚鎚之一稍輒洞
貫三四人魏兵奔潰斬其將阿薄干魏主嗣乃恨不

用崔浩之言

白珣

續羽為之恥而至反

弘農人送義租給王鎮惡等軍

將軍王鎮惡等進攻潼關久之乏食衆心疑懼欲棄輜重還赴大軍沈林子按劍怒曰今許洛已定關右將平事之濟否繫于前鋒奈何沮乘勝之氣棄垂成之功乎鎮惡乃至弘農說諭百姓競送義租軍食復振田子遂破姚紹軍

紹屯河北絕晉糧援

紹憤愧嘔血而卒

夏四月劉裕入洛陽

齊郡太守王懿降魏上書言劉裕在洛宜發兵絕其

歸路可不戰而克魏主嗣善之

崔浩侍講在前嗣問之曰劉裕伐姚興克

乎對曰克之姚興好事虛名而少實用于泓懷弱兄
弟爭裕乘其危兵精將勇何故不克嗣曰裕才何
如慕容垂對曰垂藉父兄之資修復故業國人歸之
若夜蟲之就火易以立功裕奮起寒微不階尺土討
滅桓元興復晉室北禽慕容超南梟盧循所向無前
其才優矣嗣曰裕既入關不能進退我以精騎直搗
彭城裕將若之何對曰今屈丐柔然伺我之隙而詣
將用兵皆非裕敵興兵遠攻未見其利不如靜以待
之裕克秦而歸必墓其主關中華戎難錯風俗勁悍
裕欲以荆揚之化施之函秦此無異解衣包火張羅
捕虎雖留兵守之適足資敵耳願且按兵息民以觀
其變秦地終為國家之有可坐而守也嗣笑曰卿料

赫連勃勃謂姚興凡已必得長女崔浩謂長女終為魏有兩人之言信若丘泰山動動能取而

不能治政先得
而連火則粗
有此綱是以得
之雖較遠而守
之亦稍久此又
得失之林以事
卜之益不真矣

之審矣浩曰臣嘗私論近世將相若王猛之治國符
堅之管仲也慕容恪之輔幼主慕容暉之霍光也劉
裕之平禍亂司馬德宗之曹操也嗣大悅語至夜半
賜御醪醪十觚水精鹽一兩曰朕味卿言如此故欲
共饗其美

秋八月將軍王鎮惡入長安秦主泓出降九月劉裕至

長安送泓詣建康斬之

後秦自姚萇據長安至泓
亡凡三主合三十四年

先是沈田子傳弘之入武關進屯青泥

城名在西府
藍田縣亦曰

曉柳城元和志境柳
城俗亦謂之青泥城

秦主泓自將擊之大敗而還

時

尉裕已至閬鄉泓欲自將禦之恐田子等擊其後欲
先擊滅田子等然後傾國東出乃帥步騎數萬奄至

青泥田子等所領裁千餘人秦兵圍之數重田子慰撫士卒曰諸君遠來正求此戰死生一決封侯之業于此在矣士卒皆踊躍鼓譟執短兵奮擊秦兵大敗泓奔還潮上

已裕至潼關王鎮

惡請帥水軍自河入渭以趨長安裕許之秦主泓使姚丕守渭橋以拒之鎮惡泝渭而上乘蒙衝小艦行船者皆在艦內秦人但見艦進驚以為神至渭橋鎮惡令軍士食畢皆持仗登岸後者斬既登即密使人解放舟艦渭水迅急倏忽不見乃喻士卒曰此為長安北門去家萬里舟楫衣糧皆已隨流今進戰而勝

則功名俱顯不勝則骸骨不返無他岐矣乃身先士卒衆騰踊爭進大破姚丕軍泓引兵救之為敗卒所蹂踐不戰而潰鎮惡入自平朔門泓將出降其子佛念年十一言于泓曰晉人將退其欲雖降必不免不如引決泓慨然不應佛念登宮牆自投死

羣臣詣壘門降鎮惡以屬吏城中夷晉六萬餘口鎮

惡以國恩撫慰號令嚴肅百姓安堵九月裕至長安

收秦彝器

鐘鼎之屬

渾儀

注見前

土圭

周禮大司徒以土圭之法測土深正日景

以求記里鼓

亦曰大章車所以識道里車上有二層皆有木人行一里下層擊鼓行十里上

層學

指南車

亦名司南車駕四馬其下制如樓三級四角金龍銜羽葆刻木為仙人立車上

車雖回轉

手常指南

送建康餘金帛珍寶皆以頒將士送姚泓

至建康斬之

北涼王蒙遜聞裕滅秦怒甚門下校郎劉祥入言事蒙遜曰汝聞劉裕入關歟

研研然

也斬之

夏人進據安定

夏王勃勃聞裕伐秦曰裕取關中必矣然不能久留必將南歸若留子弟諸將守之吾取之如拾芥耳乃秣馬養士進據安定嶺北郡縣皆降之裕遣使遺勃

打雄竊命晉宋
一轍劉裕始自
丞相國揚州牧
劉宋公備九錫
以此進爵為王
取辭不受皆敬
元司馬昭其請
作視莽操更甚
血飾為恭順以
欺天下耳目其
風聲之跡欲
血滿彭而蕭蕭
迴踵其故智豈
非大道好還哉

勅書約為兄弟勅勅報之

冬十月劉裕自進爵為王增封十郡復辭不受

十一月劉穆之卒

十二月劉裕東還留子義真都督雍梁秦州軍事

裕欲留長安經畧西北而諸將佐久役思歸多不欲

留會聞劉穆之卒裕以根本無托決意東還欲以王

弘代穆之謝晦曰休元輕易不若羨之乃以徐羨之

為丹陽尹管留任而以次子義真

時年十三

為安西將軍

守關中王修

京兆人

為長史王鎮惡為司馬沈田子毛

德祖

瑒宗人

傳弘之皆為參軍從事關中人素重王猛

而是役也鎮惡功為多故南人忌之沈田子與鎮惡

爭功尤不平裕將還田子等屢言鎮惡家在關中不

可保信裕曰鍾會不得遂其亂者以有衛瓘故也語

曰猛獸不如羣狐卿等十餘人何懼鎮惡邪

三秦父老聞裕

將還詣門流涕曰殘民不沾王化于今百年始覩衣冠人人相賀長安十陵公家墳墓咸陽宮殿君家室宅捨此欲何之乎裕十二月裕發長安自洛入河開為之慰然慰喻遣之

汴渠以歸

閏月夏王勃勃遣兵向長安

夏王勃勃聞劉裕東還大喜召王買德問計買德曰
關中形勝之地而裕以幼子守之狼狽而歸正欲急
成篡事不暇復以中原為意此天以關中賜我不可

失也青泥

注見前

上洛

漢縣晉為郡今陝西商州是

南北之險宜先

遣遊軍斷之東塞潼關絕其水陸之路然後傳檄三
輔施以恩德則義真在網罟之中不足取也勃勃乃

使其子瓚帥騎二萬向長安別將屯青泥及潼關而
自將大軍為後繼

戊十四年

夏昌武元年

春正月王鎮惡沈田子帥師拒夏兵

田子矯殺鎮惡安西長史王修討田子斬之參軍傅弘
之擊夏兵卻之

夏赫連瓚至渭關中民降之者屬路沈田子將兵拒
之畏其衆盛不敢進王鎮惡曰公以十歲兒付吾屬
當共竭力而擁兵不進虜何由得平遂與田子俱出

田子與鎮惡素有相圖之志至是益忿懼軍中又訛
言鎮惡欲殺盡南人據關中反田子遂請鎮惡至傅
弘之營計事因屏人語使人斬之矯稱受太尉令義
真與王修被甲登門以察其變修執田子數以專戮
而斬之弘之破夏兵夏兵乃退

以劉義隆

即宋文帝

為荊州刺史

劉裕欲以世子義符鎮荊州張邵

字茂宗吳人

諫曰儲貳

之重四海所繫不宜居外乃以義隆為荊州刺史以

到彦之

楚屈到之後以名為氏彦之字道豫彭城武原人

張邵王曇首

珣之子

王華

字子陵曇首從祖弟

等為參佐義隆尚幼府事皆決于邵

裕謂義隆曰曇首沈毅有器度宰相才也汝每事諮

之

夏六月劉裕始受相國宋公九錫之命

裕既受命崇繼母蕭氏為太妃以孔靖

字季恭愉之孫

為尚

書令王弘為僕射傅亮

字季友或之元孫

蔡廓

字子度濟陽考城人

為

侍中謝晦為右衛將軍殷景仁

陳郡長平人

為秘書郎靖

辭不受

景仁學不為文敏有思致口不談義深達理體至于國典朝儀舊章記注莫不撰錄識者

知其有當

世之志

冬十月以西涼公李歆為鎮西大將軍

歆遣使來告襲位故有是命仍封酒泉公

劉義真殺其長史王修關中大亂十一月夏王勃勃陷
長安義真逃歸

劉義真賜與無節王修每裁抑之左右皆怨譖修欲
反義真殺之于是人情離駭莫相統一義真悉召外

兵閉門拒守關中郡縣悉降于夏夏王勃勃進據咸陽長安樵米路絕劉裕聞之使蒯恩召義真東歸而以朱齡石守關中謂曰卿至可救義真輕裝速發出關然後徐行若關右必不可守可與義真俱歸十一月齡石至長安義真將士大掠而東多載寶貨子女方軌徐行日不過十里傳弘之諫不聽赫連璜帥衆追之弘之蒯恩斷後力戰連日至青泥大敗為夏兵所禽義真左右盡散獨逃草中參軍段宏追尋得之

束之于背單馬而歸勃勃欲降傅弘之弘之不屈而死長安百姓逐朱齡石齡石焚宮殿奔潼關夏兵追殺之

裕聞青泥之敗未和我真存亡怒甚刻日北伐謝晦固諫會得段宏啟知我真得免乃止但登

城北望慨然流涕而已

夏王勃勃稱皇帝

彗星見

彗星出天津

其四星一曰天津又曰天漢經尾箕之間謂之漢津 八太微經北

斗絡紫微

太微在北斗南紫微在北斗北

八十餘日而滅魏主嗣復

名諸儒術士問之曰今四海分裂咎在何國朕甚畏之卿其無隱崔浩曰災異之興皆象人事人事無覺又何畏焉昔王莽將篡異亦如此今國家主尊臣卑民無異望晉室陵夷危亡不遠彗之為異其劉裕將篡之應乎

十二月劉裕弒帝于東堂奉琅邪王德文即位

是為恭帝

裕以讖云昌明之後尚有二帝

晉書孝武帝紀初簡文帝見讖云晉祚盡

昌明及孝武帝在孕李太后夢神人謂之曰汝生男以昌明為字及產東方始明因以為名簡文後悟乃

圖識本屬荒誕而生子命名亦非后所得專若謂簡文早見昌

明之識更不應
聽后因夢名子
且識語淺顯初
不難知何待後
而始悟徒付之
歎歎流涕邪此
蓋劉裕偽造託
言定數以掩其
逆謀史氏不加
詳察妄為撫拾
耳

流涕又安帝紀識云昌明之後乃使中書侍郎王韶

有二帝劉裕將行禪代欲應之

之

字休泰
虞曾孫

與帝左右密謀弒帝而立德文德文常在

帝左右韶之不得間會德文有疾出居于外韶之以

散衣縊帝于東堂裕因稱遺詔奉德文即位

以北涼王蒙遜為涼州刺史

蒙遜稱藩故有是命

恭皇帝

已元熙元年

夏真興
元年

春正月立皇后褚氏

葬休平陵

在江寧府上元縣

二月夏主勃勃還統萬

夏郡臣請都長安夏主勃勃曰朕豈不知長安帝都沃饒險固然統萬距魏境裁百餘里朕在長安統萬必危若在統萬則魏必不敢濟河而西諸卿適未見此耳乃置南臺于長安以赫連瑱錄尚書事而還

勃勃

性驕虐視民如草芥常置弓劍于側羣臣避視者鑿其目笑者抉其唇諫者先截其舌然後斬之

宗室司馬楚之

字德秀宣帝弟太常楚之八世孫

據長社

漢縣晉因之東魏廢故城

在今河南許
州長葛縣

劉裕誅翦宗室之有才望者楚之叔兄皆死楚之亡

匿蠻中及從祖休之奔秦

秦亡休之魯軌韓延之俱降魏休之尋卒

楚之

乃亡之汝潁間聚衆以謀復仇楚之少有英氣折節

下士有衆萬餘屯據長社裕使刺客沐謙往刺之楚

之待謙甚厚謙未得間乃夜稱疾欲因楚之問疾而

刺之楚之果自齋藥往視情意勤篤謙不忍發乃出

匕首以狀告曰將軍深為劉裕所忌願勿輕率以自

保全遂委身事之為之防衛

秋七月劉裕始受進爵之命八月移鎮壽陽

復加殊禮進太妃為太后世子為太子

冬十一月丁亥朔日食

庚申二年

宋高祖劉裕永初元年西秦建武元年西涼永建元年是歲晉亡宋代西涼亦亡宋魏夏北涼

燕秦凡

夏四月晨星出竟天六月劉裕還建康稱皇帝

六國

是為宋高祖武帝

廢帝為零陵王以兵守之

宋主裕欲受禪而難于發言乃集朝臣宴飲從容言

曰桓元篡位鼎命已移我倡義興復平定四海功成
業著遂荷九錫今年將衰暮崇極如此物忌盛滿非
可久安今欲奉還爵位歸老京師羣臣莫喻其意日

晚坐散中書令傅亮乃悟叩扉請見曰臣暫宜還都
裕解其意無復他言亮出見長星竟天拊髀歎曰我
常不信天文今始驗矣亮至建康四月徵裕入輔裕

留子義康鎮壽陽以參軍劉湛

字弘仁南陽涅陽人

為長史決

府事

湛自幼年即有宰物之志常自比管葛博涉書史不為文章不喜談議裕甚重之

六月

裕至建康亮具詔草使帝書之帝欣然操筆謂左右
曰桓元之時晉氏已無天下重為劉公所延將二十
載今日之事本所甘心遂書赤紙為詔遜于琅邪第
百官拜辭秘書監徐廣

字野民
遜之弟

流涕哀慟裕為壇于

南郊即位廣又悲感流涕侍中謝晦曰徐公得無小
過廣曰君為宋朝佐命身是晉室遺老悲歡之事固
不可同宋主臨太極殿大赦改元奉晉帝為零陵王
即宮于故秣陵縣

此晉初所置秣陵縣也在秦淮
南後徙治闕場因指此為故

使

將軍劉遵考將兵防衛

宋尊王太后為皇太后

宋主事蕭太后素謹及即位春秋已高每旦入朝未嘗失時刻

宋改晉封爵封拜功臣子弟有差

宋以晉氏封爵當隨運改獨置始興廬陵始安長沙康樂五公奉王導謝安溫嶠陶侃謝元之祀以道憐為太尉封長沙王徐羨之等增位進爵各有差

秋七月宋交州刺史杜慧度擊林邑

古越裳氏地注見前

大破降

之

初後漢末象林

漢縣屬日南郡

功曹區連殺令自立為王號

曰林邑其後范氏代之

區氏傳數世後王無嗣外甥范熊代立

有范文

者本西卷

日南屬縣

夷帥范幼家奴為林邑將

文以商販常至洛陽

後入林邑教其王作城邑宮室及器械王寵任之

會其王逸

熊之子

卒文遂脅

國人而篡立

文先譖逸諸子或逃或徙及逸卒文詐迎逸子于他國置毒柳酒而殺之

柳

木出交趾樹似檳榔其實大如瓜剖之其中有酒

于是旁擊諸國有衆數萬

晉咸康永和間屢寇日南九真諸郡

殺太守夏侯覽
害督護劉雄留

屯日南三

是後無歲不至殺傷甚衆交州遂致虛弱

文死傳子及孫其國內亂大
臣范諸農纂立傳子曰陽邁

至是刺史杜慧度率衆

南討大破之所殺過半其王陽邁乞降前後鈔掠者

皆送還

慧度為政嚴密一如治家吏民
畏而愛之城門夜開道不拾遺

北涼王蒙遜誘西涼公歆與戰殺之遂滅西涼

北涼王蒙遜欲伐西涼先引兵攻秦浩疊

音告門漢
縣以浩疊

水名故城在西

既至潛師還屯川巖

在甘州府張掖縣西南

西

涼公歆欲乘虛襲張掖

宋錄張體順切諫不聽太后尹氏謂曰汝新造之國地狹

民稀自守猶懼不足何暇伐人家邈非汝之敵豈得輕舉僥冀非望以吾觀之非但喪師殆將亡國歆亦

不聽遂將步騎三萬東出蒙遜聞之曰歆已入吾術中

矣乃引兵邀擊歆歆大敗或勸歆還保酒泉歆曰吾

違老母之言以取敗不殺此胡何面目復見我母遂

勒兵復戰為蒙遜所殺蒙遜入酒泉禁掠士民安

堵

初歆弟恂為敦煌太守有惠政及歆被殺恂奔北山郡人招之恂遂入敦煌衆推為刺史蒙遜遣世

子德正攻之不克蒙遜乃自帥衆以水灌其城城陷恂自殺蒙遜遂屠敦煌歆有子曰重耳奔于江左後

歸魏是為唐之祖

西涼自李嵩據

敦煌至歆亡凡二主合二十二年

八月宋立子義符為太子

南北朝

辛宋永初元年魏泰常六年是歲以後分注紀年南
百朝以宋齊梁陳北朝以魏齊周餘國仍依前例非建
國嗣位改春正月宋祀南郊大赦
元不備列

夏四月宋毀淫祠

宋詔所在淫祠自蔣子文

廣陵人漢末為秣陵尉以
逐賊死鍾山吳大帝時降

神于吳言將大啟孫
氏大帝乃為立廟

以下皆除之其先賢以勲德祠

者不在此例

時零陵之勢已
不如匹夫而裕

計在必就蓋自

以年老于此恐

身殘留此尚為

禍根耳及宋之

亡也劉氏無少

長皆被害于齊

而梁載巴陵王

陳叔江陰王亦

踵行如出一轍

殘逆之報若有

司其典者觀唐

宋齊楊氏梁氏

秋九月宋主劉裕弑零陵王于秣陵

初宋主劉裕以毒酒一甕授前琅邪郎中令張偉人

弟郗之使酖零陵王偉歎曰酖君以求生不如死乃自

飲而卒太常褚秀之侍中褚淡之皆王妃兄也后父

義興太守秀之淡之皆其之子王每生男裕輒令秀之兄弟殺之王

深慮禍及與褚妃共處一室自煮食于牀前飲食所

資皆出褚妃故宋人莫得伺其隙至是裕令淡之往

恩禮始終國祚
綿延自得厚報
天道灼然可見
矣

視妃妃出別室相見兵人踰垣而入進藥于王王不
肯飲曰佛教自殺者不復得人身兵人以被掩殺之
裕帥百官臨于朝堂三日

冬十一月葬晉恭帝于冲平陵

在江寧府
上元縣

十二月宋豫章太守謝瞻

字宣遠
晦之兄卒

初宋臺始建瞻為中書侍郎其弟晦為右衛將軍時
晦權遇已重自彭城還都迎家賓客輻湊瞻驚駭謂
晦曰汝名位未多而人歸趨乃爾吾家素以恬退為

世道至此尚以
風度言論為長
聲相推獎夫美
之大節已虧他
何足議而問野
猶以為賢實可

業不顧干預時事而汝遂勢傾朝野此豈門戶之福
邪乃以離隔門庭曰吾不忍見此後晦以佐命功位
任益重瞻愈憂懼至是遇疾不療臨終遺晦書曰吾
得啟體幸全亦何所恨弟思自勉勵為國為家

壬宋永初三年
戊魏泰常七年
春正月宋以徐羨之為司空錄尚書事

羨之起自布衣無學術直以志力局度一旦居廊廟

朝野推服咸謂有宰臣之望

常與傅亮謝晦宴聚亮
晦才學辯博羨之風度

詳盤時然後言鄭鮮之歎曰觀徐傅言論不復
以學問為長鄭鮮之字道子蒙陽閬中人

三月宋以廬陵王義真都督雍豫等州軍事

宋主有疾長沙王道憐徐羨之傅亮謝晦檀道濟並入侍醫藥羣臣請祈禱神祇不許唯使侍中謝方明

景仁從
祖弟

以疾告宗廟而已道濟出鎮廣陵監淮南諸

軍太子多狎羣小謝晦言于宋主曰陛下春秋既高宜思存萬世神器至重不可使負荷非才上曰廬陵何如晦曰臣請觀焉出造義真義真盛欲與談晦不甚荅還曰德輕于才非人主也出義真為都督六州

諸軍南豫州刺史鎮厯陽

是後大州率加都督多者或至五十州不可復詳載

矣

夏四月宋封楊威為武都王

五月宋主裕殂太子義符立

是為少帝

宋主疾甚召太子義符誡之曰檀道濟雖有幹畧而無遠志非如兄韶有難御之氣也徐羨之傅亮當無異圖謝晦數從征伐頗識機變若有同異必此人也又為手詔曰後世若有幼主朝事一委宰相母后不

煩臨朝羨之亮晦道濟同被顧命遂殂

宋高祖清簡寡欲嚴整有

法度被服居處儉于布素遊宴甚稀嬪御至少嘗得後秦主興從女有盛寵顧以廢事謝晦微諫即時遣出財帛皆在外府內無私藏嶺南嘗獻八筒細布一端八丈惡其精麗旁人即付有司彈太守以布還之并禁嶺南作此布公主出適遣送不過二十萬無錦繡之物內外奉禁莫敢為侈靡性不信奇怪微時多符瑞及貴史官審義符即位年十七立妃司馬氏為以所聞拒而不答

皇后晉恭帝女海鹽公主也秋七月葬初寧陵

魏立子燾

即太武帝

為太子監國

魏主服寒食散頻年藥發災異屢見遣中使密問崔

浩曰屬者日食趙代之分朕疾彌年不愈恐一旦不
諱諸子並少將若之何浩曰陛下春秋富盛行就平
愈必不得已請陳瞽言聖代龍興不崇儲貳是以永
興之始社稷幾危

謂清河王紹
之亂事見前

今宜早建東宮選賢

公卿以為師傅左右信臣以為賓友入總萬機出撫
戎政如此則陛下可以優遊無為頤神養壽萬歲之
後國有成主民有所歸姦宄息望禍無自生矣皇子
燾年將周星明獻溫而立予以長禮之大經也魏主

復以問長孫嵩對曰立長則順置賢則人服肅長且

賢天所命也從之立肅為太子使居正殿臨朝為國

副主以嵩及奚斤安同為左輔坐東廂西面崔浩與

穆觀

本邱穆陵氏後改為穆氏

邱堆

獻帝第五兄曰邱敦氏後李文改為邱氏

為右弼

坐西廂東面

胡三省曰魏臣出代北者姓多重複及高祖遷洛始皆改之舊史以其煩雜難

知故皆從後姓以

百官總已以聽

魏主避居西宮時隱而窺之聽其決

就簡易今從之

斷大悅謂侍臣曰嵩宿德舊臣歷事四世功存社稷

斤辯捷智謀名聞遐邇同曉解俗情明練于事觀達

于政要識吾旨趣浩博聞彊識精察天人唯雖無大

用然在公專謹以此六人輔相太子吾與汝曹同行

四境伐叛柔服足以得志于天下矣

冬十月魏遣司空奚斤督諸將擊宋取青兗諸郡十二月宋遣南兗州刺史檀道濟救之

初魏主聞宋高祖克長安大懼遣使請和自是歲聘不絕及高祖殂沈範等奉使在魏還及河魏主遣人追執之議發兵取洛陽虎牢滑臺

崔浩諫曰陛下不以劉裕缺起細其

使貢裕亦故事陛下今乘喪伐之雖得之不足為美且國家今日亦未能一舉取江南也而徒有伐喪之名竊為陛下不取臣謂宜遣人吊祭存其孤弱恤其凶災使義聲布于天下則江南不攻自服矣魏主曰

劉裕乘姚興之死而滅之今我乘裕喪而伐之何為不可浩曰不然姚興死諸子父爭故裕乘釁伐之今江南無釁不可比也魏主不從假司空奚斤節使督將軍周幾公孫表伐宋周幾代人公孫表廣陽人

斤等帥步騎三萬濟河營于滑臺之東宋司州刺史

毛德祖遣翟廣等將步騎三千救之

先是司馬楚之聚眾陳留之境

聞魏兵濟河遣使迎降魏以為荊州刺史使

魏尚書

侵擾宋北境德祖遣將成名陵雍邱以備之

滑稽滑姓滑伯之引兵襲倉垣兵吏悉踰城走陳留

後以國為氏

太守嚴稜

馮翊人

詣斤降斤等攻滑臺不拔求益兵魏

主怒責之自將五萬餘人南出為斤等聲援太子燾

將兵出屯塞上斤等急攻滑臺拔之東郡太守王景
度出走司馬陽瓚為魏所執不降而死乘勝進逼虎
牢毛德祖與戰屢破之魏主別遣將軍于栗磾屯河
陽取金墉德祖遣竇晃等拒之魏主至冀州遣叔孫

建將兵徇青兗宋豫州刺史劉粹

字道冲
蕭人

遣騎據項

城徐州刺史王仲德將兵屯湖陸

即湖陵故城在
兗州府魚臺縣

于

栗磾濟河與斤并力攻晃等破之魏主遣領軍娥清

代人

閻大肥

瑯瑁人

將兵會周幾叔孫建南渡河軍于

碣磔

山名在泰安府東阿縣南有關城

宋兗州刺史徐琰南走于是

泰山高平金鄉

注俱見前

等郡皆沒于魏叔孫建等八青

州宋遣南兗州刺史檀道濟監征討諸軍事與王仲

德共救之

明年春于栗碑攻金墉克之魏主以栗碑為豫州刺史鎮洛陽

癸宋主義符景平元
亥年魏泰常八年

春正月宋以蔡廓為吏部尚書不

受

蔡廓獨非晉臣
乎與其不受吏
部何如不仕新
朝乃沈約許其
識達書法亦嘉
與之皆失褒貶
之正

宋以廓為吏部尚書廓謂傅亮曰選事若悉以見付

不論不然不能拜也亮以語徐羨之羨之曰黃散

謂黃

門侍郎及散騎常侍侍郎以下悉以委蔡以上故宜共參同異廓

曰我不能為徐干木署紙尾遂不拜

干木美之小字選案黃紙錄尚

書與吏部尚書

連名故廓云然

魏以刁雍

字淑和晉尚書令協之曾孫

為青州刺史

初宋高祖誅滅刁氏

高祖嘗與刁遠搏捕不時輪直遠縛之馬柳高祖既建義以嫌

故逐誅

雍奔于秦秦滅雍降魏魏以為將軍使擾徐

其族

充至是魏叔孫建攻青州

刺史竺愛聚眾保東陽城不八城者使依梁山險要

夷禾稼魏軍至無所得食

東陽城

雍見魏主于鄴

宋高祖毀廣固改築故城在益都縣

魏主曰叔孫建等入青州民皆藏避攻城不下彼素服卿威信今遣卿助之乃以爲刺史給騎使行羅募兵得五千人撫慰士民皆送租供軍

二月魏築長城

柔然寇魏邊魏築長城自赤城

即今宣化府赤城縣水經注沽水逕赤城

東城在山阜之上下坑深隍是也

至五原二千餘里置戍以備之

三月魏攻宋虎牢不克殺其將公孫表

魏奚斤公孫表等共攻虎牢魏主自鄴遣兵助之毛

德祖于城內穴地入七丈分為六道出魏圍外募敢死士四百從穴中出襲其後魏兵驚擾斬首數百而還魏兵退散復合攻之益急德祖出兵與表大戰從朝至晡殺魏兵數百會斤別攻許昌還合擊德祖大破之初德祖在北與表有舊表有權畧德祖患之乃與交通音問密遣人說奚斤云表與之連謀每答表書輒多所治定表以書示斤斤疑之以告魏主魏主使人夜就帳中縊殺之

復四月魏攻宋東陽城

注見前

不克而還留刁雍戍尹卯

壘名在泰安府東阿縣水經注濟

水過穀城縣西有尹卯壘即此

魏叔孫建將三萬騎逼東陽城城中文武纔一千五

百人竺夔及濟南太守垣苗悉力固守時出奇兵擊

魏破之

魏步騎繞城列陳十餘里大治攻具夔作四重塹魏人填具三重為撞車以攻城夔遣人

從地道中出以大麻絙挽之令折魏人復作長圍進攻愈急歷久城壞戰士多死

檀道濟至

彭城以司青二州並急而所領兵少不足分赴青州

道近竺夔兵弱乃與王仲德等分兵救之已而建墮

東陽北城三十許步刁雍請速攻建不許遂不克及
聞檀道濟等將至雍又請將所募兵五千據險以邀
之時天暑魏軍多疫建曰兵人疫病過半若相持不
休兵自死盡何須復戰今全軍而返計之上也道濟
軍于臨朐建等燒營及器械而遁道濟以糧盡不能
追竺夔以東陽城壞不可守移鎮不其城

注見前

魏留

刁雍鎮尹卯招集民五千餘家置二十七營以領之

秦遣使入貢于魏

秦王熾磐謂羣臣曰今宋雖奄有江南夏人雄據關
中皆不足與也獨魏主奕世英武賢能為用吾將舉
國而事之乃遣使入見于魏貢黃金二百斤并陳伐
夏方略

閏月魏拔虎牢執宋司州刺史毛德祖遂取司豫諸郡
先是魏主攻虎牢不克

魏兵攻虎牢毛德祖隨方拒守而將士稍零落于是魏主

如成事絕虎牢汲河之路停三日自督衆攻城亦不能下

至是叔孫建就奚斤共

攻之虎牢被圍二百日無日不戰勁兵殆盡而魏增

宋魏彼此屢作地道于兵法固不足論甚乃欲藉此以洩城中之井尤為昏說試思城中之井豈可數計遠近大小又安得預知穴地縱甚深透連能一一盡洩之乎三尺黃童亦當大笑

兵轉多毀其外城德祖于內更築三重城以拒之又毀其二重德祖惟保一城晝夜相拒將士眼皆生創德祖撫之以恩終無離心檀道濟劉粹等皆畏魏兵彊不敢進魏人作地道以洩城中井城中人馬渴乏被創者不能復出重以饑疫城遂陷將士欲扶德祖出走德祖曰我誓與此城俱斃義不使城亡而身存也魏主命將士得德祖者必生致之將軍豆代田執以獻將佐皆為所虜唯參軍范道基將二百人突圍

南還魏士卒疫死者亦什二三奚斤等悉定司兗豫

諸郡縣魏主命周幾鎮河南河南人安之

徐羨之傳亮謝晦以

亡失境土上表自劾詔勿問

毛德祖後卒于魏

冬十一月魏主嗣殂太子燾立

是為魏世祖太武帝

魏主嗣殂太子燾即位自司徒長孫嵩以下普增爵

位以盧魯元

昌黎徒河人

為中書監劉潔

長樂信都人

為尚書

令尉眷

魏餘部內八者西方尉遲氏後改尉氏眷代人

劉庫仁

此又一劉庫仁獨狝部人

等八人分典四部以羅結

魏餘部內八者有叱羅氏後改羅氏結代人

為

侍中外都大官

魏有內外都大官

總三十六曹事

時結年一百七情爽

不哀魏主以其忠慤親任之使兼長秋卿監典後宮出入卧内年一百一十一乃聽歸老朝廷每有大事遣

時訪焉又

十年乃卒

魏立天師道場

魏光祿大夫崔浩研精經術練習制度凡朝廷禮儀
軍國書詔無不關掌不好老莊書曰此矯誣之說不
近人情老聃習禮仲尼所師豈有為敗法之書以亂
先王之治乎尤不信佛法曰何為事此胡神左右多

毀之魏主不得已命浩以公歸第然每有疑議輒召

問之浩既歸第因修服食養性之術初嵩山道士寇

謙之

上谷人使馮翊

修張道陵

即張魯之祖見前

之術自言嘗遇老

子命繼道陵為天師授以辟穀輕身之術使之清整

道教又遇神人李譜文云老子之元孫也授以圖籙

真經使之輔佐北方太平真君謙之奉其書獻于魏

主朝野多未之信浩獨師受其術且上書曰聖王受

命必有天應河圖洛書皆寄言于蟲獸之文未若今

浩既以不好老
莊寵官何歸第
即修服食甚至
引天師上書唱
言受命天以天
師與老莊相較
不啻糟粕論者
徒以好奇之過

啓其始終易轍
不知此正浩之
熱中惡失欲用
是為復用柳謀
耳平生抗稱經
術至此尚可欺
人否

日人神接對手筆粲然辭旨深妙自古無比豈可以
世俗常慮而忽上靈之命哉魏主欣然使謁者奉玉
帛牲牢祭嵩嶽迎致謙之弟子以崇奉天師顯揚新
法起天師道場于平城東南重壇五層月設厨會數
千人

司馬氏光曰老莊之書欲同生死輕去就而為神仙
者服餌修鍊以求輕舉鍊草石為金銀其為術正相
戾耳是以劉歆七畧叙道家為諸子神仙為方技其
後又有符水禁呪之術至謙之遂合而為一至今猶
之浩不喜佛老而

信謙之之言何哉

甲宋景平二年太祖文帝義隆元嘉
子元年魏世祖太武帝肅始光元年
春正月宋廢其廬

陵王義真為庶人

宋主義符居喪無禮好與左右狎暱遊戲無度特進

致仕范泰

字伯倫
寧之子

上書諫之不聽廬陵王義真警悟

好文而性輕易與謝靈運

元之曾孫襲封康
樂公世稱謝康樂

顏延之

字延平舍

情好款密

靈運性褻傲不遵法度自謂才
能宜參權要常懷憤怏延之者

之曾孫

酒放縱徐羨之等惡義真與兩人遊義真故吏范晏

從容戒之義真曰靈運空疎延之隘薄魏文帝所謂

古今文人類不護細行者也

但

于是羨之等以靈運

性情所得未能忘言于晤賞耳

延之構扇異同非毀執政省出為郡守始義真至厯

陽多所求索執政每裁量不盡與義真怨之表求還

都時羨之等已密謀廢宋主而次立者應在義真與

宋主有隙先奏列其罪惡廢為庶人徙新安郡前吉

陽晉縣故城在今江西吉安府吉水縣令張約之堂邑人上疏曰廬陵王

少蒙先皇優慈之遇長受陛下睦愛之恩今猥加剝

辱幽徙遠郡上傷陛下常棣之篤下令遠近恇然失

圖書奏見殺

夏五月宋徐羨之傳亮謝晦廢其主義符為營陽王遷于吳六月弒之迎宜都王義隆于江陵殺前廬陵王義真以謝晦行都督荆湘等州軍事

羨之等將廢義符以檀道濟先朝舊將威服殿省乃召道濟及江州刺史王弘入朝以謀告之謝晦聚將士于府內使中書舍人邢安泰潘盛為內應夜邀道濟同宿晦悚動不得眠道濟就寢便熟時義符在華林園為列肆親自沽賣與左右即龍舟而寢道濟引

兵入雲龍門安泰等先誠宿衛莫有禦者軍士進殺

二使者扶義符出收璽綬羣臣拜辭衛送故太子宮

羨之等以宜都王義隆素有令望乃稱皇太后令數

義符過惡廢為營陽王以義隆纂承大統遷義符于

吳使邢安泰就弒之

義符多力突走出昌門追者以昌門吳西郭

門亦作閭傳亮帥行臺百官備法駕迎義隆于江陵羨之

等遣使殺義真以荊州重地恐義隆至或別用人乃

亟以錄命

錄尚書自出命也

除謝晦都督刺史欲令居外為

援精兵舊將悉以配之七月行臺至江陵傅亮率百

官上表進璽綬義隆下教

時年十八

曰猥以不德謬降大

命顧已驚悸何以克堪當暫歸朝廷展哀陵寢并與

賢彥申寫所懷望體其心勿為辭費

時諸將佐聞二王死皆疑不可

東下司馬王華曰先帝有大功于天下四海所服雖
嗣主不綱人望未改羨之亮受寄崇重未容遽敢背
德畏廬陵嚴斷恐不能自容以殿下寬慈越次奉迎
冀以見德悠悠之論殆必不然又此五人同功並位
孰肯相讓就懷不軌勢必不行廢主若存慮將來或
受其禍是以殺害蓋由貪生過深不過欲握權自固
耳義隆曰卿復欲為宋昌耶長史王曇首校尉到彥
之皆勸行乃命華留鎮荊州欲使彥之將兵前驅彥

之曰了彼不反便應朝服順流若使有虞此不足恃
更開機隙之端會雍州刺史褚叔度卒乃遣彥之權
鎮襄陽義隆引見傅亮號泣哀動左右既而問義真及

少帝薨廢本末悲哭嗚咽侍側者莫能仰視傅亮汗
流不能對乃布腹心于到彥之王華等義隆以府州
文武自衛遂發江陵

秋八月宋主義隆立

是為文帝

宜都王義隆至建康羣臣迎拜于新亭

徐羨之問傅亮曰王可方

誰亮曰晉文景以上人羨之義隆謁初寧陵還止中
日必能明我赤心亮曰不然

堂百官奉璽綬義隆辭讓數四乃受之遂即位大赦

謁太廟復廬陵王先封迎其柩還建康以行荊州刺

史謝晦為真

晦將行問蔡廓曰吾其免乎廓曰卿受先帝顧命任以社稷廢昏立明義無不

可但殺人二兄而以此北面挾震主之威據上流之重以古推今自免為難晦始懼不得去既發喜曰今得脫矣

徐羨之等進位有差有司奏車駕依故事臨華

林園聽訟詔曰政刑多所未悉可如先者二公推訊

乃以王曇首王華為侍中竟陵王義宣鎮石頭羨之

等欲遂以到彦之為雍州不許徵為中領軍委以戎

政

彥之自襄陽南下謝晦慮彥之不過已彥之至楊口步往江陵深布城歟晦亦厚自結納由此大安

柔然寇魏

柔然紇升蓋可汗聞魏太宗殂將六萬騎入雲中攻拔盛樂宮魏主帥輕騎討之三日三夜至雲中紇升蓋引騎圍之五十餘重騎逼馬首相次如堵將士大懼魏主顏色自若衆情乃安紇升蓋弟子于涉斤為大將魏人射殺之紇升蓋懼遁去

已而魏伐柔然大獲而還

冬十一月吐谷渾王阿柴死弟慕璿立

初吐谷渾王樹落干自號車騎將軍大單于及卒授

國于其弟阿柴

阿柴稍用兵侵并旁小種地方數千里遂為疆國

阿柴有子

二十人至是疾病召諸子弟謂之曰先公車騎捨其

子拾虔而授孤孤敢私于緯代

阿柴長子

而忘先君之志

乎我死汝曹當奉慕璜

阿柴母弟

為主阿柴又命諸子各

獻一箭取一箭授其弟慕利延使折之慕利延折之

又取十九箭使折之不能折阿柴乃諭之曰汝曹知

之乎孤則易折衆則難摧汝曹當戮力一心然後可

以保國寧家言終而卒

十二月宕昌

西羌別種故國在今鞏昌府岷州南北周以其地為郡唐曰宕州後廢

朝貢

于魏

宕昌羌三苗之裔也羌地東接中國西通西域長數

千里各有酋帥部落分地不相統攝而宕昌最盛

通考宕昌

之界自仇池以西東西千里席水以南南北八百里仇池在同谷郡席水在上邦縣

有民二萬

餘落諸種皆畏之至是其王梁彌忽遣子入見于魏

宋元嘉二年魏始光二年丑夏主赫連昌承光元年

春正月宋主始親聽政

徐羨之傳亮上表歸政三上許之羨之仍遜位還第
徐佩之等並謂非宜敦勸甚苦乃復奉詔視事

二月燕有女子化為男

燕有女子化為男燕主以問羣臣傳權對曰西漢之

末雌鷄化雄

漢書五行志元帝初元丞相府史家雌鷄伏子漸化為雄又後漢靈帝時雌鷄

化為雄
事具前

猶有王莽之禍況今女化為男臣將為君之

兆也

夏四月魏遣使如宋

始復通也

六月武都王楊盛卒子元立

初盛聞晉亡不改義熙年號謂世子元曰吾老矣當終為晉臣汝善事宋帝及卒元自稱武都王遣使告喪于宋始用元嘉年號宋因而封之

秋八月夏主勃勃殂世子昌立

丙宋元嘉三年
寅魏始光三年

春正月宋討徐羨之傅亮誅之以王弘為司徒揚州刺史錄尚書事彭城王義康都督荆湘等

州軍事謝晦舉兵反江陵

初宋主在江陵孔寤子

會稽人

為參軍及即位以為步

軍校尉與侍中王華並有富貴之願疾徐羨之傅亮專權構之于宋主宋主欲誅二人并發兵討謝晦以王弘檀道濟始不預廢弒之謀弘弟曇首又所親委密使報弘且召道濟欲使討晦王華等皆以為不可宋主曰道濟止于脅從本非創謀殺害之事又所不關預撫而使之必將無慮道濟至乃下詔暴羨之亮

晦殺二王之罪命中領軍到彥之征北將軍檀道濟

以時收翦又命雍州刺史劉粹等斷其走伏是日詔

召羨之亮謝瞻

弟 晦之

遣人報之羨之走至新林自經

死亮出走被執宋主使以詔書示之亮曰亮受先帝

布衣之眷遂蒙顧託黜昏立明社稷之計也欲加之

罪其無辭乎于是伏誅

宋主問討晦之策于檀道濟對曰臣昔與晦同從北征入

關十策晦有其九才畧明練殆為少敵然未嘗孤軍決勝戎事恐非其長臣志晦智晦志臣勇今奉王命以討之可未陣而擒也

徵王弘為侍中司徒錄尚書事揚州刺

史彭城王義康為荆湘都督荊州刺史晦聞徐傳等
已誅自出射堂勒兵數日間四遠投集得精兵三萬
奉表稱羨之亮等忠貞橫被冤酷皆王弘王曇首王
華險躁猜忌譏構成禍今當舉兵以除君側之惡

閏月宋子劬生

初宋末皇后生子劬后自詳視使馳白宋主曰此兒
形貌異常必破國亡家不可舉欲即殺之宋主狼狽
至后殿戶外禁之乃止以尚在諒闇故秘之至是始

言劬生

宋主自將討謝晦二月誅之

宋主下詔戒嚴諸軍並進以討謝晦晦帥衆三萬發江陵舟艦旌旗甚盛歎曰恨不得以此為勤王之師

宋主發建康謝晦下至江口到彥之已至彭城洲在湖

南岳州府已會霖雨晦停軍十五日乃使孔延秀攻陵縣東北

彭城洲及洲口柵陷之諸將欲還夏口到彥之不可

乃保隱圻圻亦作磯在岳州府臨湘縣東北水經注如山北對隱磯即此初晦與徐

傳為自全之計以為晦據上流而道濟鎮廣陵各有
彊兵美之亮居中秉權可得持久至是聞道濟來惶
懼無計道濟既至與彥之軍合晦始見艦數不多不
即出戰至晚因風帆上前後連咽

連謂連接
咽謂填咽

西人離

沮無復關心一時皆潰晦夜還江陵衆散晷盡乃攜
其弟遜等北走為人所執檻送建康何承天自歸于
彥之彥之因監荊州府事于是誅晦暭及其同黨孔
延秀周超等宋主還建康

靈運文人無行
已不堪大用甚
至蠲流亦參權
要致有黑衣宰
相之譏均由典
午清談所貽害
耳

三月宋以謝靈運為秘書監顏延之為中書侍郎

宋主既還建康徵靈運延之用之又以慧琳道人善
談論因與議朝廷大事遂參權要賓客輻湊四方贈
賂相屬琳著高屐披貂裘置通呈書佐會稽孔顗字思
遠山陰人曰遂有黑衣宰相可謂冠履失所矣

夏五月宋遣使巡行郡縣

遣散騎常侍袁渝等十六人分行諸州郡縣觀察吏
政訪求民隱又使郡縣各言損益

宋主親臨聽訟

宋主臨延賢堂聽訟自是每歲三訊

六月宋以王華王曇首殷景仁劉湛為侍中謝弘微

名密

以字行景仁從子為黃門侍郎

王華以王弘輔政王曇首為上所親任與已相埒自謂力用不盡每歎息曰宰相頓有數人天下何由得

治

是時宰相無常官惟人主所與議論政事委以機密者皆宰相也亦有任侍中而不為宰相者然尚

書令僕射中書監令侍中侍郎給事中皆當時要官也華與劉湛王曇首殷景仁俱為侍中風力局幹冠

寬一時黃門侍郎謝弘微與華等皆宋主所重當時號曰五臣

秋八月宋遣使如魏

冬十月魏主自將攻夏

魏主問公卿今當用兵赫連蠕蠕

即柔然魏太武以其無知狀類于蟲

因改其號

二國何先長孫高等請先伐蠕蠕太常崔浩曰

蠕蠕鳥集獸逃舉大衆追之則不能及輕兵追之又

不足制敵赫連氏刑政殘虐人神所共棄宜先伐之

魏主亦聞夏世祖

赫連昌尊勃勃為世祖

殂諸子相圖

勃勃世子殂後

其弟倫倫兄昌討殺瑣勃勃
以昌為太子勃勃瑣遂即位

國人不欲伐之高等

曰彼若城守以逸待勞大檀

蠕蠕統升蓋
可汗之名

聞之乘虛

入寇此危道也浩力贊其行于是遣奚斤襲蒲坂周

幾襲陝城以薛謹

字法順河東汾陰人

為鄉導

魏主欲以李順
總前驅之兵崔

浩曰順誠有籌畧然其為人果于去就不可專委
乃止浩與順由是有隙李順字德仁趙郡平棘人

十一月魏主入統萬取蒲坂及長安

魏主行至君子津

在今歸化城西南黃河東岸水經
河水于潁陵相過二縣間濟有君

子之名
即此

會天暴寒水合帥輕騎濟河襲統萬夏主方

燕羣臣魏師奄至上下驚擾夏主出戰而敗走入
城門未及閉魏豆代田帥衆乘勝入西宮焚其西門
宮門閉代田踰垣而出魏分兵四掠殺獲數萬魏主
謂諸將曰統萬未可得也他年當取之乃徙其民萬
餘家而還魏師乘勝長驅遂入三輔蒲坂守將棄城
奔長安奚斤遂克蒲坂夏主之弟助興自長安奔安
定斤遂入長安秦雍氐羌皆降

河西王蒙遜及氐王
楊元開之皆遣使附

魏

丁宋元嘉四年春二月宋主謁京陵
卯魏始光四年

宋文以耕具為
愧事雖數萬布
龍燈差勝若元
英宗見還衣緣
素木棉重加補
綴嗟嘆良久其
識趣相越何啻
霄壤

初宋高祖命藏微時耕具以示子孫宋主至故宮見
之有慚色近侍或進曰大舜躬耕歷山伯禹親事水
土陛下不覩遺物安知先帝之至德稼穡之艱難乎
夏四月魏遣使如宋

六月癸卯朔日食

夏主及魏主戰于統萬夏主敗走上邽魏取統萬

先是魏主自統萬還平城夏平原公定帥衆向長安

與魏奚斤相持魏主聞之欲乘虛再攻統萬遂自將

發平城至拔鄰山

胡三省注在黑水東北黑水注見前

捨輜重以輕

騎三萬倍道先行

韋臣成諫曰統萬城堅非朝夕可拔不若與步兵攻具一時俱往魏

主曰用兵之術攻城最下必不得已然後用之今以步兵攻具皆進彼必懼而堅守若攻不時拔食盡兵疲外無所掠進退無地不如以輕騎直抵其城彼見步兵未至意必寬弛吾羸形以誘之彼或出戰則成擒矣吾軍去家二千餘里又隔大河所謂置之死地而後生者也

及是魏主至統萬

分軍伏于深谷以少衆至城下

夏將狄子玉降言夏主聞有魏師召平原

公定定曰統萬堅峻未易攻破待我擒奚斤然後徐往內外擊之蔑不濟矣故夏主堅守以待魏主聞而

患之乃退魏軍士有亡奔夏者言魏軍糧盡輜重在軍以示弱

後步軍未至宜急擊之夏主從之將步騎三萬出城長孫翰等皆言夏兵步陳難陷宜避其鋒魏主曰遠來求賊唯恐不出今既出矣乃避而不擊彼奮我弱非計也遂收衆偽遁引而疲之夏兵為兩翼鼓譟追之行五六里會有風雨從東南來揚沙晦冥宦者趙倪曰今風雨從賊上來我向他背天不助人願攝騎避之崔浩叱之曰是何言吾千里制勝一日之中豈

得變易賊貪進不止後軍已絕宜引軍分出其後掩
擊不意風道在人豈有常也魏主曰善乃分騎為左
右隊以特之魏主馬蹶而墜幾為夏兵所獲拓拔齊
以身捍蔽魏主騰馬得上身中流矢奮擊不輟夏衆
大潰魏人乘勝逐夏主至城北夏主不得入遂奔上
邦明日魏主入城獲夏王公卿校及婦女以萬數馬
三十餘萬匹牛羊數千萬頭府庫珍寶車旗器物不
可勝計頒賜將士有差留常山王素

遵之鎮統萬遂

還平城夏平原公定聞統萬破亦奔上邽魏主詔奚斤班師斤固請益兵滅夏魏主乃遣將益兵以助之初夏世祖性豪侈築統萬城高十仞基厚三十步上廣十步宮牆高五仞其堅可以厲刀斧臺榭壯大皆雕鏤圖畫被以綺繡魏主曰叢爾國而用民如此欲不亡得乎魏主壯健驚勇臨城對陳親犯矢石左右死傷相繼神色自若由是將士畏服咸盡死力性儉率服膳取給而已以為財者軍國之本不可輕費賞賜皆死事勲績之家親戚貴寵未嘗濫有所及命將出師指授節度違者多致負敗明于知人唯其所長不論流品聽察精敏下無適情賞不遺賤罰不避貴常曰法者朕與天下共之何敢輕也然果于殺戮往往已殺而復悔之

漢本猶多羽翼之士至起漸已
寒家晉則在朝僅一徐廣在野
僅一陶潛蓋自慕竊相仍人不
復知忠節綱目于潛卒特書晉
士以見完節于是時為尤難而
寡廉鮮恥習俗恬不為怪亦可
以觀世變矣

冬十一月晉徵士陶潛

字淵明一字元亮尋陽人晉長沙公侃之曾孫卒

潛少有趣博學不羣以親老家貧為州祭酒少日
自解歸召主簿不就躬耕自資遂抱羸疾後復為彭
澤令不以家自隨在官八十餘日郡遣督郵至縣吏
請曰應束帶見之潛歎曰我豈能為五斗米折腰向
鄉里小兒即日解印綬去賦歸去來辭著五柳先生
傳以自況徵著作郎不就妻翟氏亦與同志能安勤
苦夫耕于前妻鋤于後潛自以先世為晉輔貳復屈

身後代自宋高祖王業漸隆不復肯仕是歲將復徵
之會卒世號靖節先生

御批歷代通鑑輯覽卷三十六



總校官進士臣程嘉謨

校對官學錄臣謝登雋

謄錄監生臣汪應鏊